

Ⓒ Dealbhaich do linne fhèin.

Smaoinich air a h-uile seòrsa lus agus beathach a dh'fheumas a bhith ann. Peant dealbh den linne.

'S dòcha gun urrainn dhut modal den linne agad a dhèanamh a' cleachdadh tanca èisg no cnogain mhòra. Cruinnich gainmheach airson a' ghrund agus lìon an tanca air do shocair le uisge fuar. Ma chuireas tu pìos pàipear air muin na gainmhich mus cuir thu an t-uisge innte cha chuir thu uiread de dhragh air a' ghainmhich.

Bu chòir dhut lusan uisge a chuir don tanca airson ocsaidean a dhèanamh do na beathaichean, ach na cuir cus ann no cumaidh iad solas na grèine a-mach. Chan e iasg no losgainn a dh'fheumas a bhith anns na beathaichean. Cuimhnich gu bheil tòrr meanbh-fhrìdean uisge ann aig a bheil beatha inntinneach — an daolag dubh-shnàmh agus an spèileadar-linne a bhitheas a' coiseachd air an uisge.

© Acair Earranta 1991
Bi faiceallach dè na beathaichean a chuireas tu don tanca oir 's dòcha gun tòisich iad a' sabaid, no fiù 's gun ith iad a chèile! Na cruinnich lusan agus beathaichean dìreach air sgàth an cruinneachadh. Chan fheum thu ach a dhà no trì airson coimhead.

